



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Svim korisnicima budžetskih sredstava odobrenih za realizaciju projekata od interesa za boračku populaciju putem Ministarstva za boračka pitanja Kantona Sarajevo

OBAVJEŠTENJE O OBAVEZI PODNOŠENJA IZVJEŠTAJA O UTROŠKU BUDŽETSKIH SREDSTAVA ODOBRENIH u 2020. GODINI

Obavještavaju se sva boračka i druga udruženja i organizacije, kao i ostala pravna lica, kojima su putem Ministarstva za boračka pitanja Kantona Sarajevo odobrena budžetska sredstva za realizaciju programa i projekata od interesa za boračku populaciju da su, ukoliko to do danas nisu učinili, obavezni u što kraćem roku podnijeti izvještaj o utrošku odobrenih sredstava.

Obaveza podnošenja izvještaja se odnosi i na fizička lica (autori-pojedinci) kojima su sredstva odobrena za realizaciju projekata od interesa za boračku populaciju.

Izvještaj se podnosi prema Obrascu narativnog i finansijskog izvještaja, koji je propisalo Ministarstvo finansija Kantona Sarajevo, na osnovu kojeg je potrebno sačiniti/dopuniti izvještaj, pri čemu je potrebno dostaviti i adekvatnu dokumentaciju koja dokazuje navode izvještaja (odluke, računi, nalozi, uplatnice, ugovori i drugo). Troškovi prikazani u finansijskom izvještaju trebaju biti objašnjeni. Dokumentacija na koju se referiše treba biti pojašnjena i pobrojana u izvještaju. Izvještaj treba biti sveobuhvatan i prikazivati i sredstva osigurana iz drugih izvora

Obaveza podnošenja izvještaja je utvrđena Uredbom o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12-Ispravka, 37/13 16/14, 6/17 i 43/20) i Pravilnikom o kriterijima za finansiranje/sufinansiranje programa i projekata neprofitnih organizacija i udruženja („Službene novine Kantona Sarajevo“ broj 17/14), a ista je bila naglašena i javnim pozivima Ministarstva za boračka pitanja Kantona Sarajevo za 2020. godinu.

Obaveza podnošenja izvještaja je bila navedena i odlukama o odobravanju sredstava, odnosno u ugovorima koje su u cilju realizacije sredstava potpisivali korisnici.

Korisnici sredstava koji ne dostave narativni i finansijski izvještaj o utrošku odobrenih budžetskih sredstava sa odgovarajućom dokumentacijom (a nije dostavljen ranije), ne mogu biti prihvaćeni za finansiranje/sufinansiranje programa ili projekata u narednom periodu.

Za eventualna pojašnjenja možete se obratiti Ministarstvu za boračka pitanja Kantona Sarajevo.

MINISTAR

Dr.sc.Omer Osmanović

Broj: 06-11-2596/20
Sarajevo, 04.03.2021. godine

